



17. ԱՂՎԵՍԸ, ԳԵԼԸ, ԱՐՁԸ ՈՒ ԶՄՌՈՒՑ-ՂՈՒՇԸ

Ավալ ժամանակին ըլնում ա շիւնում մի թագավոր. էս թագավորը հայ ա ըլնում: Սա ունենում ա ալեյի-մալեյի մի տղա՝ ըն էլ մի բեքյարա, անպետք տղա, որ ամեն աստու օրը, առավոտը լիսը բացվում էր թե չէ՝ նետուանեղը վեր էր ունում, էթում ավզուշ, իրիկունը դալի տուն: Խեղճ հերը ինչ բանի դնում էր՝ չէր կենում, մի հետ բեդուվաթ սովորել էր:

Հոր սիրտը չը վե կալավ, որ իրա տղեն ըսենց ավարա մանգա. մի օր ասեց, որ գլուխը վեր ունի, մի գհով էթա՝ իրա հմար ապրուստ գտնի: Նրան մի լավ նետուանեղ տվեց, ճամփի հմար պաշար ու տանից դուս արեց:

Տղեն ա՝ հոր ձեռը պաշեց, վե կացավ, գնաց: Գնա՛ց, գնա՛ց, շատն ու քիչն աստոծ գիտա, հասավ մի մեշա. ըստե իրա հմար տուն շինեց, միջին կացավ: Ոնց որ աղաք, հմի էլ ավշություն էր անում, իրա գլուխը պահում: Բերած ավից ի՛նչ ուտում էր՝ ուտում, ինչ չէ՛ լա՛վ աղ էր անում, տանում իրա գերզամբում կախ տալի, որ չֆոտի, խարաք ըլնի:

Ըսենց մի տարի կացավ էս մեշումը: Մի տարի էլ սա՛ղ աշխարհը սով ընկավ. սո՛վ եմ ասում, էնթավուր սով, որ աստոծ փրկի, ազատի. հերը որդուն էր ուտում, աղպիրը՝ աղպորը, բարեկամը՝ բարեկամին. մի խոսքով, ո՛վ ում ձեռն էր ընկնում՝ նրան

էլ պրծնում չկար, սաղ-սաղ պտի ուտեր: Սովածութունից ջանա-
վարները ընկել ին մեշերը շափշփում, բալի ձեռները զաղ-մաղ ընկ-
նի՝ ուտեն, սովից շատկոտեն:

Մի օր Աղվեսը սոված, փորը վեց-վեց անելոն էս ավշու մեշի
միշովը անց էր կենում: Տեհավ մեշումը մի տուն ա շինած, ինքն
իրան ասեց. «Հայրա՛թ ըստե մարդ ա կենում, էթամ տենամ. բալքի
կարենամ փորս նութ-մութ քցի»: Աղվեսը կամաց-կամաց մոտա-
ցավ տանը. ֆոտ քաշեց, տեհավ մսի ֆոտ ա դալի: Գե՛ս ընկավ,
դե՛ն ընկավ՝ մի պուճուր ծակ գծավ. էդ ծակովը ուսուլով սլաց
զերզամբին: Ի՛նչ տենա՝ լա՛վ-լա՛վ մարալներ, շելրաններ մորթո-
ւած՝ պատիցը կախ արած: Զաթի նա էլ էսթավուր զադի էր ման
դալի. վրա պրծավ, մի լավ կուշտ, կուռ կերավ. հենց էն ա ուզում
էր էն ծակովը էլ եդ դուս գա՝ ավլին, որդիան որ էր, զերզամբու
դուր բաց արեց, տեհավ Աղվեսն ընդե: Նետուանեղը քաշեց որ
տա, տեղն ու տեղը շորացնի՝ Աղվեսն էկավ ընկավ նրա ոնները:

— Ամմա՛ն, — ասեց, — ա՛սու սիրուն, թագավորի ցեղ. ինձ
մի՛ սըպանի. աշխարը սով ա ընկե, քու արևի սաղաղին ըլնի, ինձ
մի ճար արա՛: Ի՛նչ դուլլուղ ուզում ես կանեմ, թաքիլան օրական
ինձ մի կտոր միս տաս, կշտիդ պահես. մի՛ վախի, ես զիան տվող
ջանավարներիցը չեմ:

— Լա՛վ, — ասեց ավլին, — թե որ դու զիան տվող ջանավար
չե՛ս, կենում ես՝ կա՛ց, համա պտի տանս լա՛վ մուղաթ կենաս, հա՛:

— Զո՛ւլստ աչքիս վրեն, թագավորի ցեղը սաղ ըլնի, լա՛վ մու-
ղաթ կկենամ, — ասեց Աղվեսը:

Աղվեսի բախտը լավ էր բանե. ամեն օր կուշտ, կուռ ավի միսը
ուտում էր, դուս դալի արևի տակին իրա քեֆին թոնթոխ տալի, էն
ի՛նչ մեկել ջանավարները սաղ շաբաթներով ման ին դալի՝ ձեռները
զաղ շէր ընկնում:

Մի օր էլ, Աղվեսը ըսենց փորը կուշտ, արևի տակին թոնթոխ
էր տալի, Գելը էն դ՛հից տեհավ:— Ա՛յ հարա՛յ, — ասաց, — էս ինչ
բաս ա. սա՛ղ աշխարքը սով ա ընկե, մենք սովածութունից կո-
տորվում ենք՝ սա էնքամ կուշտ ա, որ դեռ հլա իրա քեֆին թոնթոխ
էլ ա տալի: Հրե՛ս հաղիբ ձեռս ա ընկե, էթամ բռնեմ, ուտեմ՝ մի
փորս կշտանա, է՛:

էս ասեց թե չէ՝ մոտացավ Աղվեսին. ուզում էր սաղ-սաղ կու
տա, Աղվեսն ասեց. — էլ ի՛նձ խի ես ուտում, Գե՛լ աղպեր. հազիր

արի՛ ես քեզ էնթալուր տեղ տանեմ, որ ուտելոն շկարենաս հա-
տացնի:

Գեւը դարու էլավ, նրան էլ ձեռ շտվեց: Գեւին տարավ դուզ
թագավորի տղի զերզամբին:

— Հրե՛սիկ,— ասեց Աղվեսը,— ինչքամ ուզում ես՝ կե՛. թե
կուռք բռնող ընի, էն վախտն ասա:

Գեւը ուրախ-ուրախ վրա պրծավ մսերին: Էլ ի՛նչ ասիլ կուզի,
սոված, նխտից ընկած՝ ոսկոռ-մոսկոռ շէր հարցնում, հենց սաղ-
սաղ էր կու տալի: Համա խեղճի բախտիցը, մի քիչ շանցկացավ՝
թագավորի տղեն զերզամբու դուռը բաց արեց, տեհավ մի Գեւ ա
ղոնաղ էկե: Նետուանեղը քաշեց, որ տա Գեւին տեղն ու տեղը շըղ-
նամիշ անի, սատկացնի, Աղվեսը շթողաց:

— Բա՛ն շկա,— ասեց,— թո՛ղ սա էլ մնա քու տանը. սա էլ
զիան տվող ջանավարներից շի, հաղիր դհա լավ, հեննես տանդ
մուղաթ կկենա:

— Լա՛վ,— ասեց թագավորի տղեն,— թե որ դա էլ զիան տվող
ջանավար շի՛ մնում ա, թո՛ղ մնա:

Աղվեսն ու Գեւը ընենց սիրով ին ապրում, ոնց որ հալալ աղ-
պըրտինք: Փորները կուշտ, ամեն օր դուս ին գալի արևի տակը,
իրար քըլըմստորում, հաղ անում, էլի իրիկունը էթում տուն: Մի օր
էլ էրկսով ըսենց արևի տակին հաղ ին անում, որզիան որ էր՝ մի
սոված Արշ էն դհիցը ատամները դրճուացնելուն դուս էկավ: Սրանց
տեհավ թե շէ՛ վրա վազեց, որ էրկսին էլ մի հանքի ուտի՛ Աղ-
վեսը մոռննաթ, աղաչանք, պաղատանք.— Ա՛րջ աղսիբ,— ասեց,—
դու մեզ խի՛ ես ուտում. հաղիր արի մենք քեզ էնթալուր տեղ տա-
նենք, որ միս ուտելուն լեթվես:

— Լա՛վ,— ասեց Արջը,— թե որ ինձ ըտենց մի լավություն
անեք, ձեզ էլ խի եմ ուտում:

Արջին տարան թագավորի տղի զերզամբումը կաննացրին:
Խեղճը սաղ շարաթ սոված՝ ըսկի մսի էրես շէր տեհե. վրա պրծավ
մսերի ջանին: Մի դհիցը ուտում էր, մի դհիցը ասում. «Օխա՛յ, ան-
ջախ մի փորս նութ ընկավ. ախա՛ր ես մեռա էսթալուր զաղի ման
զալոն, է՛»:

Մի դաֆիլ, էն դհիցը թագավորի տղեն զերզամբու դուռը բաց
արեց, նի մտավ. տեհավ ըսօր էլ ա մի թագա զոնաղ ավելացե:
Նետուանեղը քաշեց, որ տա Արջին տեղն ու տեղը սըպանի, Աղվե-
սը շթողաց:

— Յաղագրորի ցեղն ապրած կենա, — ասեց, — սա էլ զիան տվող շանավար շի, թո՛ղ քու արևի սաղաղին ըստե կենա, սովածութիւնից շատկի։ Իրեքով տանդ դճա՛ լավ մուղաթ կկենանք։

— Լա՛վ, — ասեց Յաղագրորի տղեն, — թե որ զիան տվող շանավար շի՝ մնում ա, թո՛ղ մնա։

էս հետ իրեք ֆոգի էլան։ Իրար հեննա ուտում ին, խմում, էթում արևի տակին տրոճնկի տալի, հաղ անում, օր մթնացնում, ըսկի վեշնեքը շէր, թե աշխարումը սով կա։

Ձմռուտ-դուշը՝ դշերի Յաղագրորը, էն դճիցը էկավ՝ դոռալո՛ն, ծվալո՛ն, դադ-բեդադ քցելո՛ն, տեհավ էս իրեքով արևի տակին հրեն թոնթոի են տալի։ Վրա պրծավ, որ իրեքին էլ մի կտցելումը վեր ունի տանի՝ Աղվեսը էլի աղաշանք, պաղատանքն ընկավ։

— Ձմռո՛տ-դուշ, — ասեց, — դու արի՛ մեզ ձեռը մի տա, մեղք ենք. հաղիր արի մենք քեզ էնթավուր մսի տեղ շանց տանք, որ հա՛ ուտես, հա՛ ուտես՝ ըսկի շհատնի։

— Լա՛վ, — ասեց Ձմռուտ-դուշը, — շանց տվեք, տենա՛մ։

Սրան էլ վե կալան, տարան դուղ Յաղագրորի տղի զերզամբին՝

Ձմռուտ-դուշը, քանի իշտահը տալիս էր՝ կերավ, կշտացավ հենց էն ա ուղում էր դուս դա, էթա՛ Յաղագրորի տղեն զերզամբու դուռը բաց արեց, նի մտավ. տեհավ ըսօր էլ ա մի թաղա դոնաղ ավիլացի։ Նետուանեղը քաշեց, որ տա Ձմռուտ-դշին տեղն ու տեղը սատկացնի, էլի Աղվեսը մեջ ընկավ, աղաշանք արեց։

— Աստ՛ու սիրուն, — ասեց, — Յաղագրորի ցեղ. քու արևի սաղաղին թո՛ղ էս սոված դուշն էլ մնա մեր կշտին. սա էլ քու ասած զիան տվող շանավարներից շի. շորս ֆոգով տանդ դճա՛ լավ մուղաթ կկենանք։

— Լա՛վ, — ասեց Յաղագրորի տղեն, — թե որ զիան տվող շանավար շի՝ կենում ա, թո՛ղ կենա։

Աղվեսը, Գելը, Արջը ու Ձմռուտ-դուշը սա՛ղ օխտը տարի կացան Յաղագրորի տղի կշտին։ Սովը որ անցկացավ, աշխարը հանդարտեց՝ միտք արին, որ էթան Յաղագրորի տղիցը իզին առնեն, էթան իրանց բանին։

Ամա Աղվեսն ասեց. — էսքամ տարի էն մարդը մեզ պահել, պահպանել ա, սովից պրծացրե. բա՛ մենք դրան մի լավութիւն էլ ա շա՛նենք։ Հաղիր կնիկ շունի, էկե՛ք էթանք Տրապիզոնա թա-

գաւորի աղջիկը բերենք սրան կնիկ. շունքի լսել եմ՝ նրա աղջիկը շատ սիրուն, գովական աղջիկ աս:

— Լա՛վ, — ձեն տվին թոմթոմ էլ, — է՛թանք: — Խոսքերը մին արին, վե կացան գնացին:

Գնա՛ցին, գնա՛ցին, շատն ու քիչն աստոծ գիտա, հասան Տրապիզոնա քաղաքը՝ Ընդիան թագաւորը իրա ամարաթից մխելի հետու վար ու ցանք ունեւր. նրա նոքարները ընդե վար ին անում: Ճաշվա էն ճոճուան շոքին, որ գութանը բաց ին թողե, Աղվեսը տարավ իրա ընկորտանցը լծեց գութանը. Գելին՝ հորի, Արջին՝ ամբու, ինքն էլ գութանի մաջը բռնեց: Զմուտ-ղուշն էլ երկնքի էրեսին թևերը բաց արած՝ կացել էր: Թագաւորի նոքարները որ եղ թամաշ արին, տեհան էս ջանավարները մի դհիցը վար են անում, մի դհիցն էլ, «ճոռովելե» ձեն տալի՝ լեղիները ջուր կտրեց. թողին, գնացին թագաւորին իմաց արին, թե՛ ըսե՛նց, ըսե՛նց բան:

Թագաւորը, նրա կնիկը, աղջիկը դուս էկան բալկոնը թամաշա՝ տենան էս ջանավարները ո՞նց ին վար անում: Զմուտ-ղուշը էն սհաթը բանձրից վեր էկավ. թագաւորի աղջկանը վե կալավ, դրեց մեջքին ու թռավ: Հազար ձեն տվին եննուցը թե՛ «Տարա՛վ, տարա՛վ. բռնե՛ք հա, բռնե՛ք», համա էլ ո՞ւր՝ տանողը տարավ, պրծավ: Աղվեսը, Արջն ու Գելը տեհան, որ Զմուտ-ղուշը աղջկանը թոցրեց, իրանք էլ թողին գութանը ու պուկ էլան: Տարան, տարան դուռ իրանց թագաւորի կշտին վե դրին:

— Թագաւորի տղե՛ն ապրած կենա, — ասեցին, — քեզ հմար կնիկ ենք բերե:

Թագաւորի տղեն մնաց զարմացած, թե նրանք ո՞րդիան գնացին բերին էս հուրի-փարի աղջիկը: Նոր Աղվեսը նաղլ արեց, ո՞նց գնացին Տրապիզոն, ի՞նչ ֆանդ ու ֆելուվ փախցրին թագաւորի աղջկանը:

— Բա՛ առանց տերտերի ո՞նց պտի անենք, — ասեց թագաւորի տղեն, — շունքի մեր մեջը աղաթ կա, որ տղին ու աղջկանը տերտերը պտի պսակի, որ նոր հալալ մարդ ու կնիկ ըլնեն:

— Թե բա՛ս ըսենց ա, — ասեց Աղվեսը, — էթանք մի տեղան մի տերտեր բերենք՝ պսակի:

Չորսով վե կացան գնացին մտտիկ գեղերանցից մի տերտեր փախցրին՝ բերին նրանց պսակիլ տվին, էլ եղ բաց թողին, գնաց իրա բանին:

Չեմ գիտում ո՞նց ա ըլնում, Տրապիզոնա թագավորի անկաշն ա ընկնում, թե նրա աղջկանը ֆլան թագավորի տղեն ա փախցնիլ տլե, շինե իրան կնիկ ու ինքն էլ ֆլան մեշումն ա կենում: Մենծ դոշուն ա վեր ունում՝ դալի սրա վրեն կոխվ:

Թագավորի տղեն Տրապիզոնա թագավորի դոշունը որ տենում ա՝ վախութլունից շի իմանում ո՞ր ծակը մննի:

Համա Աղվեսը նրան սիրտ ա տալի.— Թագավորի տղեն ապրած կենա,— ասում ա,— դու ըսկի կովի մի խառնըվի, մենք գիտանք՝ ո՞նց կանենք:

Արջը մի դճիցը, Գելը՝ մի, Աղվեսն ու Ձմռուտ-դուշն էլ մի դճիցը, որ շթափեցին Տրապիզոնա թագավորի դոշնի վրեն՝ սաղ ջարդ ու փշուր արին, հազար մի դիճ քշեցին: Ընչանք նո՛ր Տրապիզոնա թագավորը մարդ ա ղրկե, աղաչանք արե, թե աստ՛ւ սիրուն, ինչ էլավ՝ էլավ, հերիք ա, աղջիկը նրան հալալ ըլնի, թաքիլան իրան դինջ թողա: Նոր որ նրանք կովիցը դարդ են քաշվե:

Սրանից եղը, շունքի էլ սովը չկար, աշխարը լիութլուն էր ընկե, Աղվեսը, Գելը, Արջը ու Ձմռուտ-դուշը գնացին թագավորի տղին գլուխ տվին, ասեցին.— Թագավորի տղեն սաղ ըլնի, հմի էլ հո աշխարը սով չի, դուր տեղը վրեդ ծանրութլուն ենք ըլնում, ի՛նչ, մուրախաս արա՝ էթա՛նք մեր բանին:

Թագավորի տղեն սրանց մուրախաս արեց, գնացին:

Թագավորի տղեն սրանից եղը մեշի միջին մի քանի տարի էլ կացավ: Համա վերջը տեհավ, որ մարդ ու կնիկ դառը, տխուր են անցկացնում իրանց օրը, ասեց՝ վե կենա էթա հոր կուշտը, ընդե իրանց հմար դհա՛ լավ կըլնի:

Ըսենց էլ արեց. կնկանը վե կալավ, էկավ իրանց երկիրը, հոր հեննա բարշեց ու ընչանք վերջը նրա կշտին կացավ:

Նրանք հասան իրանց մուրազին, դուք էլ հասնեք ձեր մուրազին:

